

馮氏錦囊秘錄雜症大小分參卷十二

男

乾吉佑民

海鹽馮兆張楚瞻甫纂輯

門人孫顯達惟良全較

男

乾德進修

論咳嗽

兒科

咳謂無痰而有聲。肺氣傷而音不清。嗽謂無聲而有痰。脾

溼動而痰氣侵咳。嗽謂有痰有聲。因傷肺氣。繼動脾溼也。

然痰之標在於脾。痰之本在於腎。故有宜燥劑以消之者。

有宜潤劑以化之者。在小兒由風寒乳食者居多。宜從燥

以消之。辛以豁之。半夏陳皮全胡之類是也。經雖曰五臟

六腑皆能令人咳。然必臟腑各受其邪而與之終不能離乎肺也。因痰而嗽者。痰爲重。主治在脾。因咳而動痰者。咳爲重。主治在肺。以時而論之。咳於春。春氣上升也。咳於夏。火氣炎上也。咳於秋。溼熱傷肺也。咳於冬。風寒外感也。以一晝夜而計之。清晨嗽者。屬痰。火上晝嗽者。屬胃火。午後嗽者。屬陰虛。黃昏嗽者。火氣浮於肺經。五更嗽者。食積滯於三焦。肺實而嗽者。必頓嗽。抱首面赤反食。肺虛而嗽者。必氣逆。虛鳴。顏白。飧瀉。肺熱而嗽者。必痰程而獨身熱喘滿。鼻乾面紅。手捏眉目。鼻面肺寒而嗽者。必嗽多痰。薄面白而喘。毛粟腸鳴。惡風。冬涕然嗽之爲病。雖主乎肺。實從

於心。心氣過盛則火燥。金治當抑心滋肺。若脾氣虛冷則不能相生。是以肺氣不足。風邪外襲。痰溼内生。治宜補其脾。肺若脾實中痞。則熱氣上蒸。治宜瀉脾清肺。故心乘肺爲賊。邪肝乘爲微。邪腎乘爲實。邪脾乘爲虛。邪肺自病者爲正邪。凡一咳卽出痰者。脾虛不勝溼而痰滑也。有連咳十數聲不出痰者。肺燥勝痰溼也。滑者宜南星半夏之屬。燥其脾。若利氣之劑所當忌也。澁者宜枳殼蘇子杏仁之屬。利其肺。若燥脾之劑所當忌也。大抵脾氣不足則不能生肺。家之氣風邪易感。故患肺寒者皆脾虛得之。患肺熱者多脾實得之。若至唇縮胸陷。喉有鋸聲。鼻乾焦黑咳嗽。

氣粗心腹脹痛者死。若嗽久音啞直視手牽鵝聲腹張喘急多驚者必變風候而死。若齟齬而聲嘶如鋸唇而皆青頃下四陷漚如膠漆口生腥臭喘甚唇縮者死。至於小兒百日內嗽名爲乳嗽肺葉尤嬌最最傷損更須急治久則血脈貫膈兩眶紫黑或眼白紅赤如血謂之血眼當用生地黑豈共研成膏掩於眼上則眶黑自消血隨淚出而愈。

論喘 見科

喘急者氣爲火所鬱而積痰在肺胃也膏粱之人奉養太過及過愛小兒皆能積熱於上而爲喘咳宜以甘寒之劑治之脈經云肺盛有餘則咳嗽上氣喘滿心煩胸滿短氣。

皆衝脈之火行於胸中而作係在下焦非屬土也蓋雜病
不足之邪起於有餘病機之邪自是標本病傳凡餘食勞
役喜怒不節及水穀之寒熱感則害人六腑皆由中氣不
足故膈脹腹滿咳喘嘔食宜皆以大甘辛熱之劑治之又
口寸口陰脈實者肺實也肺必脹上氣喘逆咽中塞如嘔
狀自汗皆肺實之證右寸陰脈虛者肺虛也必咽乾無津
少氣不足以息然實者肺中邪氣實也虛者肺中正氣虛
也故華佗云盛則爲喘減則爲枯活人云發喘者氣有餘
也非言肺氣盛及有餘乃言肺中之火盛及火有餘也故
瀉以苦寒之劑非瀉肺也瀉肺中之火實補肺也金匱又

曰實喘者氣實肺盛呼吸不利肺竅壅塞若寸沉實宜瀉
肺虛喘者氣短腎虛先覺呼吸少氣兩脇脹滿左尺大而
虛此腎虛症治宜補腎勿謂小兒無慾腎實如稟先天不
足者尤爲真虛耳故實則清理其上虛則溫補其下況上
病療下治法之要領也然大抵初喘多屬外因宜從標治
或因風痰壅塞者必兼壯熱咳嗽鼻塞頭疼因痘疹未出
者必兼驚厥煩燥身熱足冷因停滯脹滿者必兼嘔吐惡
食噯臭肚疼因驚癇痰熱者必兼抽掣搐搦而青啼叫因
痰哮大喘者必發秋冬暴冷張口擡肩如非前症繼諸病
後非子令母虛卽脾肺兩困多從本治况有短氣少氣似

喘非喘更難與喘同例也。諸喘久而不愈者不妨先用劫藥一二服卽止。旣止之後因痰治痰。因火治火可也。然喘脹二症相因竝皆小便不利。故喘則必脹。脹則必喘。先喘而後脹者主於肺。先脹而後喘者主於脾。經曰肺朝百脈。通調水道。下輸膀胱。又曰膀胱者州都之官。津液藏焉。氣化則能出矣。是小便之行由於肺氣之降下而輸化。若肺受邪而喘則失降下之令。以致水溢皮膚而生腫滿。此是喘爲木腫爲標。治宜清金降氣爲主。而行水次之。更脾主肌肉惡溼。尅水。若脾虛不能制水。則水溼妄行。外侵肌肉內壅溢上。因肺氣不得下降而喘乃生。此是腫爲本。喘爲

標治當實脾行水爲主而清金次之。肺症而用燥脾之藥。則金得燥而喘愈。加脾病而用清金之藥。則脾得寒而脹愈甚矣。如無故喘聲陡發如鋸。身不熱而自竄者。鼻孔脇肋心胸俱爲開張者。腹硬青筋口吐涎沫。面無神色而唇白者。諸病小痊之後。忽交子午時喘鳴者。喘促自急。黑睛出汗。印堂青色者。皆爲不治。其脈滑而手足溫者。生。脈濇四肢寒者。死。經曰喘鳴肩息者。脈實大也。緩則生急則死。蓋喘鳴肩息者。陽症也。脈當實大。更實大中而緩則邪氣漸退。故可得生。若實大中而急則邪氣愈增。病當死矣。

喉吼喘者喉中如拽鋸有水雞之聲者是

屬不能以息者卽謂之喘夫哮喘以聲響名喘宋徽宗文始出
喉如鼾聲者爲虛喉如水雞聲者爲實丹溪醫悉北穴曰
薄滋味專主於痰宜大用吐藥吐藥中宜多用醋不可純
用涼藥兼當帶表散蓋此是寒包熱也亦有虛而不可吐
者慎之總是痰火內鬱風寒外束而然亦有過啖醎酸邪
久勝理而致者治法須審其新久虛實可也

一朱姓兒三歲哮喘大作聲聞隣里二三日不止身熱汗
出一醫投以滾痰丸利之下瀉二三次其勢更甚六脈洪
數胸脇扇動扶肚擡肩旦夕無寧刻粒米不能食頭汗如

兩數日不寐。勢甚危迫。乃延余治。余曰。誤矣。夫聲出於氣。喉連喘數日。下元已傷矣。今以峻利藥從食喉下之。伐及無辜。下元更虛極矣。所以有扶肚擡肩惡候來也。令以人參。麥冬。各一錢。五味子七粒。肉桂三分。水煎溫服。一日二劑。服後而喘聲頓減。至夜復作。次日往視。余曰。此氣少復而陰未有以配之也。乃以八味之加牛膝。麥冬。五味子者。內熟地。每劑五六錢。桂附每劑各四分。水煎冷服。午前午後各一劑。服後而竟熟睡。醒來飲食大進。其聲悉止。次日往視。喘熱俱已。但勞力運動。喘聲微有。此未還元之故也。以生脈飲調理三四日。精神全復。

欵花五味子湯 治小兒久嗽

欵冬花 五味子 麻黃 馬兜鈴 杏仁去皮殼各二錢

甘草炙一錢 水煎食遠服

人參寧肺湯 治小兒肺腎俱寒、涎喘氣急、不得安眠

人參 五味子 茯苓 白朮 陳皮去白 甘草炙各三錢

薑棗水煎食遠服

杏蘇飲 治小兒喘急咳嗽不止

杏仁去皮尖炒 紫蘇子 炒 陳皮去白 赤茯苓 桑白皮

大腹皮 半夏麴 甘草炙各一錢 薑水煎食遠服

貝母膏 治風熱天哮

黑玄參 焙 山枝 炒 天花粉 焙 川貝母 焙 枳殼 焙 橘紅

百部 炒 黃芩 焙 杏仁 去皮尖炒 桔梗 焙 粉甘草 焙各五錢

薄荷 焙七錢 淨葉 蜜丸 彈子大 燈心湯或淡竹葉湯化下

潤肺化痰膏

大白梨 汁一 白茯苓 四兩乳製晒 麥冬 四兩 川蜜 一斤

川貝母 一兩去心研末 核桃肉 四兩去皮 先將梨汁熬熟次

將蜜煉熟入前藥在內再熬成膏如痰有血入童便四

兩在內每早空心白湯調半茶鍾服

清化丸 治肺鬱痰喘

貝母 杏仁 青黛 爲末蜜和薑汁丸口含噙化

千金方 治初生十日至五十日卒得嗽逆吐乳

生薑七片桂心二錢甘草款冬花紫苑各三錢杏仁

蜜各一錢山梔一錢石微火煎如飴塗唇化下

杏氏治乳齁方

天竺黃 蚌粉煨等分研和蜜調塗乳上令吮

補肺阿膠散 治肺虛久嗽作喘

人參 阿膠各一兩白茯苓 馬兜鈴去老梗糯米各五錢

杏仁二十一粒製甘草四錢爲末取二錢水煎服

定喘湯 治齁嗽無不取效只方脈喘哮喘

方脈咳嗽合參

易... 公... 難... 卷... 二... 見... 高... 卒... 方...

大咳嗽之所以累人者以其難於立止也。然欲治肺而止嗽則益害肺而嗽愈甚。蓋肺受病而爲嗽者必有因以治之。治其因則嗽自愈。若不詳所自而徒事於肺則氣無所歸。或邪無所散。肺愈苦而嗽愈甚矣。凡傷風久而肺氣已虛發熱咳嗽服發散藥而嗽愈甚。或被發散太過者當用收斂之劑補之。然虛嗽有一百問。嗽多吐痰白沫或惡心者爲氣虛宜六君子湯。於款冬五味子如夜嗽多口渴痰不易出發熱爲血虛宜六味地黃料加麥冬五味子。若欬而脈緊音咳而羸瘦脈形堅六者咳而脫形發熱脈小堅急者咳而嘔腹脹脹且其脈弦急者皆死不治。

肺屬金。射於皮毛。所主者。氣。腎屬水。主於骨髓。所藏者。精。氣輕浮。易上而難下。精沉重。易下而難上。此物性之自然。有肺之盛者。既熱之作也。氣得而上。蒸則不能下。生於腎。而腎受邪。故治腎病。必先求之於肺。是清其源而滋其化也。經曰。五臟六腑。皆令人咳。非獨肺也。蓋五臟各以其時受病。非其時。各傳以與之。有自外得者。肺主皮毛。風寒暑濕之邪。自皮毛入內。傳臟腑而爲嗽也。有自內發者。七情饑飽。內有所傷。則邪氣上逆。肺爲氣出入之道。故五臟之邪。上蒸於肺。而爲嗽也。然風寒暑溼。有不爲嗽者。蓋因所感者重。不啻於皮毛。徑傷臟腑。而成傷寒溫熱諸病。七情

亦有不爲嗽者。蓋病尙淺。只在本臟。未傳入肺。所以傷寒以有嗽爲輕。而七情饒飽之嗽。必久而後發爲重也。夫津液既凝爲痰。則不復生血。以周潤三焦。故口燥咽乾。大便秘結。面如枯骨。毛髮焦槁。婦人則因此月水不通。若能化去敗痰。自然服餌有效。然不得過行燥劑。使痰溼既消。津液亦槁。去溼留熱。又非其治矣。務使化痰復爲津液。猶化盜賊復爲良民可也。

丹溪曰。咳嗽有風寒。有火。有痰。有勞。有肺脹。風寒者。鼻塞聲重。惡寒而白脈弦微是也。宜發散行痰。又有聲啞及喘嗽。遇冬則發。此寒包熱也。解表則熱自除。感冷則咳。膈上